

նր խանգարեց 1900 թ. Բ. Դուան և Պետերբուրգի միջև կնքված համաձայնագիրը, որով արգելվում էր Արևմտյան Հայաստանում երրորդ պետության կողմից ճանապարհների կառուցումը: Ռուսաստանն իր կողմից պարտավորվում էր արգելել մասսայական ջարդերի ժամանակ Արևմտյան Հայաստանից Անդերկովկաս փախած հայերի վերադարձը հայրենիք:

Ամերիկյան իմպերիալիստները ևս տեղի բնակչության մեջ իրենց տնտեսական և քաղաքական ազդեցությունն ուժեղացնելու նպատակով, սկսած XIX դարի առաջին կեսից միսիոներական գործունեություն ծավալեցին Թուրքիայում, հատկապես Արևմտյան Հայաստանում: Ամերիկյան միսիոներների հատուկ կենտրոններ էին ստեղծվել էրզրումում, Վանում, Խարբերդում, Բիթլիսում, Այնթափում, Մարաշում և այլուր: Հրապարակվում էին նաև մեծ քանակությամբ միսիոներական գրականություն, թերթեր, ամսագրեր և այլն: Միայն Վանում ստացվում էր 45 օրինակ նման հրատարակություն¹⁴¹:

Արևմտյան Հայաստանի նկատմամբ ԱՄՆ-ի իմպերիալիստների պլանների մասին Ջոն Ռիդը ասել է. «Ամերիկյան կապիտալիստները ցանկանում են հայերի վստահությունը գրավել, որպեսզի իրենց թաթը դնեն Հայաստանի վրա և շահագործեն հայ ժողովրդին: Հենց այդ նպատակով էլ ամերիկյան միսիոներները դարձնում են հիմնել Մերձավոր Արևելքում»¹⁴²:

ԱՄՆ-ը բազմիցս հանդես է եկել ի պաշտպանություն Օսմանյան կայսրության «անձեռնմխելիության», դատապարտել սուլթանական բռնապետության դեմ ուղղված ազգային-ազատագրական շարժումները, ամեն կերպ ձգտել այն դարձնել իր ազդեցության շրջան: ԱՄՆ-ի միսիոներները բորբոքում էին կրոնական գծովություններ, կասեցնում ազատագրական շարժման ամեն մի փորձ:

1894—1896 թթ. հայկական կոտորածների ժամանակ ԱՄՆ-ի իմպերիալիստները շահարկում էին հայ աշխատավորի արյունը Թուրքիայում իրենց դիրքերը ամրապնդելու համար: Այդ նպատակով ԱՄՆ-ի կառավարությունը պահանջեց Թուրքիայից հատուցել ջարդերի ժամանակ ամերիկյան միսիոներների կրած նյութական վնասները և անմիջապես Ոսկեղջյուր ծոցը ուղարկեց «Կենսոտկի» գրահանավը: Ռազմական ուժի ճնշման տակ սուլթանը համաձայնվեց վճարել 95 հազար դուլար տուգանք և տրամադրել երկաթուղիների կոնցեսիա:

Այսպիսով, մեծ տերությունները շահագրգռված էին Թուրքիայում ամրապնդել իրենց տնտեսական ու քաղաքական դիրքերը, որին հասնելու համար կանգ չէին առնում և ոչ մի միջոցի առջև: Իմպերիալիստների այդ անհագուրդ շահերի զոհ դարձան հարյուր հազարավոր հայ աշխատավորներ: Մեծ տերությունների թաղութության պայմաններում անօգնական հայ ժողովրդի վիճակը գնալով ավելի վատացավ:

8. ՀԱՅԳՈՒԼԱՅԻՆ ՇԱՐԺՈՒՄՆԵՐԸ 90-ԱԿԱՆ ԹՎԱԿԱՆՆԵՐԻ ՎԵՐՋԵՐԻՆ: ԱՆԴՐԱՆԻԿԻ «ՄԱՐՏԱԿԱՆ ՀՐԱՀԱՆԳՆԵՐԸ»

Հայդուկային շարժումը Թուրքական բռնակալության դեմ Բալկաններում (չեթենիկների) և Արևմտյան Հայաստանում (ֆեղալիկների) ազգային-ազատագրական ու գյուղացիության դասակարգային պայքարի յուրահատուկ ձև էր:

¹⁴¹ Տե՛ս E. K. Саркисян, *նշված աշխ.*, էջ 196.

¹⁴² «Первый съезд народов Востока. Стенограф. отчет», Петроград, 1920, стр. 123.

Այն տիրող կարգերի դեմ ուղղված ժողովրդի բողոքն էր, նրա ընդգլխումը: Արևմտահայ ազգային-ազատագրական շարժումն իր բնույթով ժողովրդա-գյուղացիական, բուրժուա-դեմոկրատական էր: Այն ուղղված էր ֆեոդալական-արտոլյուտիստական հարաբերությունների վրա խարսխված սուլթանական բռնապետության հայահալած քաղաքականության և սոցիալական կեղեքումների դեմ: Չնայած ազգային հալածանքների էր ենթարկվում Թուրքիայում բնակվող ողջ հայ ժողովուրդը, բայց աշխատավոր զանգվածների հարստահարությունն ավելի ուժեղ էր: Եվ պատահական չէ, որ հայդուկային խմբերը կազմվում էին ազգաբնակչության աշխատավորական դասերից, ՌՍԴԲԿ II համագումարին Բարձր կոմիտեի ներկայացրած զեկուցագրի մեջ, որը կազմել էր Բ. Կնուսյանցը, հայդուկային խմբերը համարվում էին արևմտահայ շարժման հեղափոխական ուժը¹⁴³:

Հայդուկները պայքարում էին թուրքական պաշտոնյաների, բեկերի և աղաների դեմ, վրեժխնդիր լինում աշխատավորների տառապանքների համար, նրանց նպատակն էր ստիպել Բ. Դոանը բարենորոգումներ կատարել, վերջ տալ բռնություններին խաղաղ բնակչության նկատմամբ: Նրանք ժողովրդի շահերի հերոս պաշտպաններն էին:

Հայդուկային շարժումը հայ ժողովրդի ազատագրական պայքարի պատմության մեջ կարևոր տեղ է զբաղում: Այն բարձր է պահել հայ ազատագրական պայքարի ոգին, ժողովրդին ներշնչել, որ նա կարող է ազատագրվել միմիայն պայքարի ճանապարհով:

Հայ ազատագրական պայքարում հայդուկային շարժման ականավոր դեմքերից էին Աղբյուր Սևորոը, Հրայրը, Անդրանիկը, Գևորգ Չավուշը և ժողովրդի ծոցից ելած քաջարի շատ այլ մարտիկներ: Նրանք կոչ էին անում հայ ժողովրդին միասնական ուժերով պայքարի դուրս գալ թուրքական բռնապետության դեմ և ազատագրվել անապորտյն լծից: Այդ նպատակին հասնելու համար օգտագործում էին բոլոր հնարավոր միջոցները:

90-ական թվականների կեսերին կազմակերպելով Արևմտյան Հայաստանի մի շարք շրջանների բնակչության ինքնապաշտպանությունը, նրանք շարունակում էին կարևոր դեր խաղալ արևմտահայության ազատագրական պայքարում նաև 90-ական թվականների վերջերին:

Հրայրը (Արմենակ Ղազարյան) 90-ական թվականների վերջերին սկսում է խուսափել խմբակային կոիվներից և մեծ նշանակություն տալով ժողովրդական շարժումներին, աշխատում է պայքարի մեջ ներքաշել ավելի մեծ զանգվածներ: Նա դատապարտում էր ազգային ուժերը ջլատելու բուրժուական կուսակցությունների վարքագիծը և պայքարի արկածախնդրական տակտիկան:

Հրայրը թուրքական բռնապետության դեմ ոչ միայն հայերին, այլև քրդերին ոտքի հանելու նպատակով շրջում էր Տարոնի քրդական գյուղերը: Համիդյան իշխանությունները նկատել էին Հրայրի գործունեությունը և նրան վերցրել հսկողության տակ: Խուսափելով հետապնդումից, Հրայրը առ ժամանակ իջավ Կարսից և հաստատվեց Ղզաղաչում, արտաքուստ ձևացնելով, թե հեռու է հայդուկային շարժումներից, մինչդեռ իրականում ղեկավարում էր այդ շարժումները: Նա ուղղություն էր տալիս հայդուկների գործողություններին, լուծում նրանց վեճերը, կազմակերպում սպառազինումը և այլն: Շնորհիվ Հրայ-

¹⁴³ S66 «II съезд РСДРП. Протоколы», М., 1959, стр. 530.

րի ձեռնարկած միջոցառումներին, մի շարք տեղերում հայդուկները եւ շարժանքին աղյուսակա՛ն հրոսակախմբներին և ազատացիին գյուղացիների հոտերը։

Այս շրջանում սկսում է հայդուկային ակտիվ գործունեություն ծավալել նաև Անդրանիկը (Անդրանիկ Օզանյան)։ Դեռ փոքր հասակից՝ ականատես լինելով թուրքական պաշտոնյաների վայրագություններին, որոնք գործադրվում էին հարստահարվող զանգվածների, հատկապես հայերի հանդեպ, Անդրանիկը կոփվեց, առնականացավ ու դարձավ հայ ժողովրդի ազգային-ազատագրական պայքարի հերոսը։

Մանոթանալով հայ ժողովրդի պատմությանն ու մշակույթին, նա լցվում է ատելությամբ դեպի բռնակալներն ու հարստահարողները և իր կյանքի նպատակը դարձնում նրանց դեմ պայքարը։

Հակառակ դաշակցական գործիչներին, որոնք հայ ազգային շարժումները համարում էին իրենց ծառայության արգասիքը, Անդրանիկը գրել է. «Այս երդումը եղավ՝ առանց մեզ ըսելու, թե ինչ կուսակցության կապականինք. մենք չգիտեինք ալ, թե կան զանազան կուսակցություններ»¹⁴⁵։ Այդ տարիներին արևմտահայությունն, անկախ այս կամ այն կուսակցության գոյությունից, ելնելով իր ծանր վիճակից, ազատագրական պայքար էր ծավալում թուրքական բռնակալության դեմ¹⁴⁶։ «Թե՛ մշեցին, և թե՛ սասունցին երբեք չհետաքրքրվեցան այդ կուսակցությանց ծրագրերերով... Մենք՝ մշեցի և սասունցիներս, միմիայն մեր ազգի փրկության սիրտյն ամեն զոհողություն հանձն կառնեինք...»¹⁴⁷։

Ազատության կարոտ ժողովուրդն իրոք պայքարի էր ելնում առանց գաղափար ունենալու այդ կուսակցությունների ծրագրի կամ նպատակների մասին, բայց որում առանձին տեղերում ստեղծված կազմակերպություններն էլ աստիճանաբար դառնում էին տեղական հոգսերով զբաղվող ընկերություններ։ Այսպես, 1892 թ. Մալաթիայում ստեղծվել էր հնչականներին համակրող ոչ մեծ մի խումբ, որը, սակայն, իր կուսակցական աշխատանքով ոչնչով աչքի չի ընկել, իսկ դաշակցականների առաջին ներկայացուցիչը՝ Մալաթիա է այցելել միայն 1908 թ. և ստեղծել համակրողների խումբ՝ «Մասյաց ընկերություն»¹⁴⁸ անվան տակ։ Այդպես էր նաև Արևմտյան Հայաստանի շատ շրջաններում։

Աշխատելով Շապին Կարահիսարում որպես հյուան, Անդրանիկը 1883 թ. ականատես է լինում, թե ինչպես թուրքական ոստիկանը ծեծում է անմեղ հայերից մեկին, ծաղր ու ծանակի ենթարկում նրա լեզուն ու համալսել նա հարձակվում է ոստիկանի վրա և անմեղ զոհին ազատում նրա ձեռքից։ Թուրքական իշխանությունները ձեռնադրվում են հանդուգն երիտասարդին ու փակում բանտում։ Սակայն բարեկամների միջնորդությամբ Անդրանիկը ազատվում է բանտից և 1884 թ. մեկնում Կ. Պոլիս։ Այստեղ նա աշխատում է որպես հյուան և մտերմանում հարե՛նասեր երիտասարդների հետ։

Կ. Պոլսում Անդրանիկը շփվում է հասարակական տարբեր շրջանների

145 «Անդրանիկի հուշեր», I մաս, «Հայրենիք», 1930, էջ 74—75։

146 Տե՛ս Մ. Պ. Աղայան, Հայ ժողովրդի ազատագրական պայքարի պատմությունից, Երևան, 1976, էջ 118—127։

147 «Հարազատ պատմություն Տարոն», Կահիրե, 1962, էջ 67, խմբագրությամբ Ազատ Տարոնցի, հեղինակներ Սարգիս և Միսակ Բոջյան։

148 «Պատմութիւն Մալաթիոյ հայոց», էջ 375—378։

հետ, լայնացնում իր մտահորիզոնը և տեսնում գոյություն ունեցող ազգային-հալածանքներն ու բռնությունները։ Չհանդուրժելով հայերի նկատմամբ կիրառվող վայրագությունները, Անդրանիկը 1892 թ. սպանում է մայրաքաղաքի հայտաշաց ոստիկանապետին և իշխանությունների հետապնդումները ազատվելու համար տեղափոխվում Ռուսիինա։

Ստեղծված վիճակից դուրս գալու ելքն Անդրանիկը տեսնում էր հայ ժողովրդի ուժերը միավորելու և դրսից նրան օգնություն կազմակերպելու մեջ։ Դրա համար էլ նա գնում է մի շարք հայ գաղթավայրեր և լայն աշխատանք ծավալում, ծանոթանում բալկանյան ժողովուրդների ազատագրական պայքարին։ Նա մի խումբ ընկերներով լինում է նաև հայրենիքում, շրջում Տարոնի, Սասունի, Վանի և մի շարք այլ շրջաններում։ 1895 թ. Անդրանիկն անցնում է Ռուսաստան, գնում Սևաստոպոլ, Յալթա և այլ տեղեր ու կազմելով 26 հոգուց բաղկացած մի զինված խումբ, 1895 թ. հուլիսին վերադառնում է Արևմտյան Հայաստան։ Բասենի դաշտով խումբը ծալտյալ հասնում է Գոմաձոր, որտեղ նրանց տեղացի կտրիճներից միանում են Ալեքսանդրը և Սողոմ։ Ամենուր հայ գյուղացիները պատսպարում, կերակրում և օգնություն էին ցույց տալիս նրանց։ Աննկատ մնալու համար օգոստոսին խումբը ցրվում է խուռի գյուղերում։

Մոտ քսան օր Անդրանիկն ու նրա ընկերները մնում են Բերդակ, Ալվա-ռինջ, Հավատորիկ գյուղերում և Առաքելոց վանքում։ Ապրոն (Մկրտիչ Սահակյան) մեկնում է Մուշ, որտեղ հավաքվել էին մի շարք երկրների հյուպատոսներ՝ Սասունի 1894 թ. դեպքերի հետ կապված հարցերը քննելու համար։ Նա հետևում էր այդ հարցերի քննարկման ընթացքին և տեղյակ պահում հայրենասիրական խմբերին։ Անդրանիկը դրում է. «Ապրոյից լուր եկավ, որ մենք նորեն Սասուն րաքծրանանք»¹⁴⁹։

Անդրանիկը վերհիշելով, որ այդ օրերին Սասունը ազատ շունչ էր քաշում, նշում է. «Հեղափոխականը սուրբի պես կպաշտեն»։

1896 թ. Սասունում իրարից անջատ գործում էին Անդրանիկի, Աղբյուր-Սերոբի և Սպաղանցի Մակարի խմբերը։ «Այս երեք խմբերը չկարենալով իրար հետ համաձայնություն գոյացնել, ամեն մեկը իր խելքի փշածին համաձայն կշարժեր»¹⁵⁰։ Բնակչությունը ցանկանում էր այդ խմբերը միավորել և ազատագրական շարժմանը մի միասնական ընթացք տալ։ Անդրանիկը ևս ջանքեր էր գործադրում ուժերը միավորելու և ավելի կազմակերպված ու մասսայական պայքար մղելու համար։ Նա մեկնում է Խլաթ, որտեղ գտնվում էր Աղբյուր Սերոբի խումբը։ Նրանք պայմանավորվում են միացնել իրենց խմբերը և գործել միասին։ Ծանոթանալով ազատագրական շարժման ընդհանուր վիճակին, Անդրանիկը համոզվում է, որ նորից պետք է Ռուսաստան վերադառնալ և անհրաժեշտ օգնություն կազմակերպել։ 1896 թ. մարտին Սասունից նա 16 հոգով անցնում է Սևաստոպոլ, ուր մնում է յոթ ամիս, լինում է Յալթայում, Դրիմի մի շարք վայրերում։ Այստեղ Անդրանիկը ետևն գործունեություն է ծավալում, հայ հասարակական շրջաններին ծանոթացնում Արևմտյան Հայաստանի վիճակին, քննարկում ազատագրական պայքարի ծրագիրը, կոչ անում օգնության ձեռք մեկնել թուրքական լծի տակ հեծող հայ ժողո-

149 «Անդրանիկի հուշեր», II մաս, «Հայրենիք» ամսագիր, 1930, էջ 107։

150 «Հարազատ պատմություն Տարոն», էջ 103։

վերդին: Ղրիմում, Հյուսիսային Կովկասում, Անդրկովկասում շրջագայելուց հետո, Անդրանիկը 1897 թ. վերադառնում է Արևմտյան Հայաստան: «Խիզ՜ս հանդիստ չէր,— գրում է Անդրանիկը,— գիշեր-ցերեկ մտածմունքս հրացանն ու ծրկիրն էր»¹⁵¹:

Անաստուղիդի վերագարձի ճանապարհին Կարսի մոտ մի թուրք ծնրունի նրանց հյուրասիրելով ասում է. «Բա-րեկամեն՛ր, այս երկու տարվան մեջ հարյուրավոր հրիտասարդներ էս ճամփով կանցնեն: Չեմ գիտեր պատ-ճառն ի՞նչ է: Ես կյանքս հոս եմ ան-ցուցնր և երբեք էշափ հայ չեմ տե-սեր էս կողմն անցած: Ում որ կհարց-նես, կըսեն՝ վանեցի ենք, մշեցի ենք, բիթլիսցի ենք: Բայց նրանց ճանա-պարհը Տրապիզոնով է, ինչո՞ւ այն-տեղից չեն երթար: Այն ճանապարհը շատ անապահով է, գող, ավազակներ շատ կան. նրա համար մենք այստե-ղից կերթանք: Շը՛մ,— ըսավ, քմծի-ժաղով,— ես ամեն բան գիտեմ. մեր սուլթանը և պաշտոնյաներն են ավա-զակ, իսկ ժողովուրդն անոթի կմը-ն»¹⁵²:

1897 թ. հուլիսի 15-ին Անդրանի-կը մի շարք ընկերների հետ մեկնեց Սանամերկ, Հաջորդ օրը նրանք հա-սան խոյից ոչ հեռու ընկած հայկա-կոտ գյուղերը: Այստեղից էլ առաջ շարժվելով, անցան Թուրքիա:

1898 թ. ձմռանը Գուրգենը, Աղբյուր Սերոբը և մյուսները հաստատվել էին Գեյլինգուզանում: 1898 թ. գարնանը Ցրոնք գյուղում դավաճանության զոհ են դառնում ականավոր հայդուկներ Գուրգենը, Ռուբենը, Փարսադանը, Տիգ-րանը, Վարդանը, վանեցի Կարապետը և ալաշկերտցի Մկրտն: Նրանց թաղ-ման սպահանդիսին Սերոբը հայտարարում է. «Նրանք մեռան, մենք մնա-ցինք, սրանից վերջ մենք գործերը պիտի շարունակենք»¹⁵³:

Աղբյուր Սերոբը հայտնի էր իր քաջագործություններով: Անդրանիկը և Սերոբը ջերմ մտերիմներ էին: Այդ մասին Անդրանիկը գրել է. «Մինչև վերջին շունչը ինձ իրեն զավակեն ալ ավելի կսիրեր: Ես հոգով հավատացած էի այդ բանին: Ինչ որ ալ հարցնեի իրենց բացակայության ըրած գործողությանս՝ նա միշտ կըսեր. «Ինձնից մի հարցներ, ինչ որ խելքդ կտրե էն ըրէ»¹⁵⁴: Սերոբը Անդրանիկի մասին հիացմունքով էր խոսում. «Այս տղան մեծ անուն պիտի ունենա»:



Աղբյուր Սերոբ (Սերոբ Վարդանյան)

¹⁵¹ Անդրանիկի հուշերը, III մաս, էջ 117:

¹⁵² Նույն տեղում:

¹⁵³ Նույն տեղում, IV մաս, էջ 116:

¹⁵⁴ Նույն տեղում, էջ 117:

90-ական թվականների վերջերին Աղբյուր Սերոբի անունը սարսափ էր ազդում թուրք աստիճանավորների ու ցեղապետների շրջանում: Նա մարտնչություն էր համիդյան բռնապետության դեմ իր եղբայրների հետ միասին, իսկ կիրն՝ Սոսեն, միշտ իր ամուսնու մոտ էր, ժողովրդի ազատագրության համար պայքարողների շարքերում:

Թուրքերի՝ Սերոբին որսալու ճիգերը ապարադչուն էին անցնում: Սակայն Հյուսիսին էֆենդին կաշառում և իր գործակիցն է դարձնում Սասունի Գեղաշեն գյուղի բնակիչ Ավույին, որը 1899 թ. թունավորում է Սերոբին և հայտնում ցեղապետ հալիլ աղային: հալիլը իր խմբով և թուրքական մի զորամասի օգնությամբ գիշերը գաղտագողի պաշարում է Սերոբի հանգրվանած Գեղեգուզան գյուղը և լույսը բացվելուն պես հարձակման անցնում: Սերոբը իր ընտանիքի և ընկերների հետ կռվելով բարձրանում է Անդոք լեռը: հալիլ աղայի ավազակախումբը շրջապատում է հայգուկապետին, որը այդ անհավասար մարտում մինչև վերջին փամփուշտը կռվում ու նահատակվում է¹⁵⁵:

Զոհվում են նաև Սերոբի եղբայրները՝ Մխոն և Զաքարը: Սերոբի հետ էին նրա 12 ընկերները, Կովի թեժ պահին Սոսեն արտակարգ հերոսությամբ տղայի՝ Հակոբի հետ օգնում էր ամուսնուն: Շուտով զոհվում է նաև Հակոբը: Դրանից հետո միայն թուրքերին հաջողվում է վիրավոր և գիտակցությունը կորցրած Սոսենին գերի վերցնել: Աղբյուր Սերոբի գլուխը սվինի ծայրին հագցրած՝ հալիլ աղան շրջել է տալիս Մուշի փողոցներում, ապա տանում Բիթլիս, ցանկանալով սարսափ տարածել հայերի մեջ: Սակայն թուրքական կառավարությունը, զգալով ընդհանուր հուզումների վտանգը, Սերոբի գլուխը հանձնում է Բիթլիսի հոգևոր առաջնորդ Զիլինկերյանին, որը հողին է հանձնում ս. Կարմրակ եկեղեցու բակում: Այստեղ է թաղված նաև 1893 թ. թուրքական իշխանությունների կողմից կախաղան բարձրացված Մարգար վարժապետը¹⁵⁶: Հետագայում հայ հայրենասերները Սերոբի շիրիմի վրա հուշարձան կանգնեցրին:

Սերոբի կորուստը ցնցող տպավորություն գործեց ազատագրական պայքարի մարտիկների շրջանում: Սերոբի մահից հետո խմբի ղեկավար է ընտրվում Անդրանիկը:

Անդրանիկը որոշում է Սերոբի և անհամար անմեղ զոհերի վրեժը լուծել և սանձահարել բռնակալներին: 1900 թ. հոկտեմբերին տեղեկանալով, որ հալիլը հաս գյուղից պետք է մեկներ և անցներ ս. Աղբերիկի կիրճով, կարգադրում է հայգուկների դարանակալի և սպանել նրան: Կարգադրությունը կատարվում է: հալիլի մոտ Անդրանիկը գտավ նրա 13 հայ լրտեսների կնիքները: Այդ դավաճանները նույնպես ստացան իրենց արժանի պատիժը: հալիլի սպանությունը թուրք աստիճանավորներին ու ցեղապետներին դապելու գործում կարևոր նշանակություն ունեցավ¹⁵⁷: Անդրանիկի հանձնարարությամբ Մուշում լայն աշխատանք էր տարվում աղգային-ազատագրական պայքարը ծավալելու ուղղությամբ:

հտանիում հայդուկների ընդհանուր ժողով գումարվեց, որի մասնակիցները հավատարմության երդում տվեցին Անդրանիկին: Ազատասիրական պայ-

155 ՏՃ՝ «Հարազատ պատմություն Տարոնոս», էջ 105:

156 ՏՃ՝ նույն տեղում, էջ 82:

157 ՏՃ՝ ս. Գ. Աղայան, Հայ ժողովրդի ազատագրական պայքարի պատմությունից, էջ 183—185:

քարի մարտիկները հայտարարում էին. «Հրամանատարության պաշտոնը տալու ենք այն ընկերոջ, որ Սևրոբի մահին հետո առաջնորդել է ֆեդայիներու շարքերը... Անդրանիկն է այդ առաջնորդը, և եթե անգամ նա մեռած լինի, անոր դիակը մեր գրոշակին հետ պետք է տարվի մեր առջևնեղ ղեպի կոխվ ու ազատություն»:

Բազմաթիվ նյութեր ցույց են տալիս, որ Անդրանիկը երբեք նախահարձակ չի եղել, այլ պաշտպանել է անօգնականներին: Շենիկցի և սեմալցի հայ գյուղացիների հետ զրուցելիս, մի առիթով Անդրանիկը նկատել է. «Մինչև հիմա ի՞նչ կոխվ է եղել, որ ես իմ կողմես հարձակում ընեի. կոխվ մը ցույց տվեք, որ ես իմ կողմես տեղիք տված ըլլամ»¹⁵⁸:

Անդրանիկի մղած կոխվները, ինչպես նաև հայ ժողովրդի կենաց և մահու մյուս մարտերը, նպատակ ունեին թուրքական արյունոտ թաթաղանից պաշտպանել հայրենիքն ու ժողովուրդը:

* * *

Անդրանիկը սկզբից եթե կարևոր նշանակություն էր տալիս ազատագրական շարժումների ռազմական նախապատրաստմանը, նրա ղեկավարների ու մասնակիցների մարտական պատրաստականությունը: Հատկապես Արևմտյան Հայաստանի լեռնային պայմաններում թուրքական բռնակալության դեմ մարտեր վարելու գործը նա մեծ արվեստ էր համարում, հատուկ ուշադրություն էր դարձնում հայդուկների կոխվածությանը, նրանց ազնվությանն ու նվիրվածությանը: Այդ սկզբունքներից ելնելով, նա կազմեց հատուկ հրահանգներ, որոնք ուսումնասիրում և գործադրում էին նրա բոլոր մարտիկները: Այդ հրահանգներն սկզբում ձեռագիր էին, ապա 1907 թ. լույս տեսան ժնեփում՝ «Մարտական հրահանգներ» վերնագրով: Անդրանիկն այդ գրքույկը նվիրեց ազատագրական պայքարում ընկած իր ընկերների հիշատակին: «Մարտական հրահանգները» ռազմական գործողություններ վարելու մի ուշագրավ ձեռնարկ է, որտեղ, հաշվի առնելով Արևմտյան Հայաստանի առանձնահատուկ պայմանները, տրվում են հայ ժողովրդի ազատագրության համար պարտիզանական կոխվների տակտիկական ու կազմակերպական գրույթները:

«Մարտական հրահանգներ» գրքույկի 15 բաժինները պարունակում են ազատագրական մարտեր վարելու շատ հետաքրքիր խորհուրդներ՝ սկսած զինվորական խորհրդից, մինչև առանձին խմբերի ու անհատների գործունեությունը վերաբերող հրահանգները, ապա և երիտասարդության ուղղված պատգամները:

Անդրանիկի մշակած կանոնադրության համաձայն, ազատագրական պայքարի ղեկավար մարմինը «Զինվորական խորհուրդն» է, որն իր կազմում պետք է ունենա առնվազն 12 փորձված անդամ: Հաշվի առնելով թուրքիայում տիրող դժգոհ պայմանները, այն կարող է գտնվել երկրից դուրս, մի որևէ հարմար վայրում, որտեղից հնարավոր կլինի սերտ կապեր պահպանել մարտական միավորումների հետ և ղեկավարել նրանց գործողությունները: Մարտական միավորումների մեջ ընդգրկված երիտասարդներից պահանջվում էր, որ նրանք երգում տան «Զինվորական խորհրդին» և «ուխտեն իրենց անձը

դոհիլ հայրենիքի ազատության և ինկած հազարավոր նահատակներու համար»¹⁵⁹։

«Զինվորական խորհուրդը» հոգ է տանում հրամկազմի ու մարտիկների ռազմական պատրաստականության, զենքի ու զինամթերքների պաշարներ կուտակելու, մարտական խմբերի ձևավորման և նրանց կազմակերպման մասին։ Դրսից Արևմտյան Հայաստան անցնող խմբերը պետք է բաղկացած լինեին 35, 55, 75 կամ 95 մարտիկներից։ Հաշվի առնելով թշնամու ուժը, խորհուրդը չէր տրվում 35 մարդուց պակաս խմբեր ուղարկել։

Խմբի կազմում պետք է լինեին ռումբ ձուլողներ և պատրաստողներ, զինագործներ, բժիշկ կամ վիրաբույժ, ատաղձագործ, կոշկակար, դերձակ, լուսանկարիչ և այլն։ Նրա անդամները «բարոյապես բարձր պիտի պահեն զիրենք և ապրելով ժողովուրդին մեջ՝ լավ տպավորություն պիտի թողնեն անոնց վրա»¹⁶⁰։ Խումբը պետք է ունենա իր ընդհանուր դրոշմը, նշանաբանը և այլն։ Խմբերից յուրաքանչյուրը պետք է բաժանվի տասնյակների՝ իրենց տասնապետով։

Անդրանիկն անհրաժեշտ ցուցումներ է տալիս՝ ելնելով կոնկրետ իրադրություններից և հանգամանքներից։ Խոջեից գնացողները պետք է մշտապես պատրաստ լինեն կրակ վարելուն, կատարյալ տիրապետեն քրդերենին ու թուրքերենին, որպեսզի պատահողների մեջ կասկած չառաջացնեն։ Ծանապարհին կարելի է հանգիստ առնել 10—15 րոպե՝ միայն ուղեկցող-առաջնորդների ցույց տված հարմար տեղերում, համապատասխան տարածության վրա հերթապահներ նշանակելուց հետո, ծխել ծածուկ։ Ծանապարհ ընկնելիս պետք է ստուգել ընկերների ներկայությունը, քանի որ հոգնածությունից ոմանք կարող են քնել և խմբից անջատվել։ Իսկ եթե թշնամու զեմ մարտ մղելը դառնա անխուսափելի, ապա առաջին կրակողները պետք է հայդուկները լինեն, որպեսզի թշնամուն խուճապի մատնեն։

Նշվում են նաև, թե ինչպես դասավորել ուժերը, եթե թնդանոթով է դրոշում թշնամին, և ինչպես որոշել նրա հեռավորությունը, ինչպես դուրս գալ շրջապատումից և մարտ վարելու զանազան մանրամասներ։ Մասնավորապես ընդգծվում է, որ ապացուցված է, թե «տասը ֆեդայի ուրախությամբ կը կռվին 100—200 զինվորի դեմ» և հաղթանակի կհասնեն¹⁶¹։

Անդրանիկը այն միտքն էր զարգացնում, որ ռազմական արվեստին տիրապետելը և բարձր կարգապահությունը, հմտությունն ու հերոսությունը մարտիկին դարձնում են անպարտելի, պայմաններ ստեղծում, որ նա միայնակ պարտության մատնի տասնյակ բաշխողուկներին։

«Խումբը երկրի մեջ» բաժնում նա անդրադառնում է այն բոլոր պայմաններին, որոնք անհրաժեշտ են ռազմական ուժերի համալրումն ապահովելու համար։ Եթե ռազմական գործողությունների հարկ չկա, ապա պետք է խումբը մասամբ ցրել, որովհետև դժվար է հարյուր հոգի կերակրելն ու թաքցնելը»¹⁶²։ Տեղացիները պետք է ուղարկվեն իրենց գյուղերը, ապրեն ալետեղ և կապ պահպանեն խմբի ղեկավարի հետ։ Նրանք միաժամանակ պետք է տեղի երի-

159 Անդրանիկ, Մարտական հրահանգներ, Ժնև, 1907, էջ 7։

160 Նույն տեղում, էջ 8։

161 Նույն տեղում, էջ 24։

162 Նույն տեղում։

տասարդությունից խմբեր կազմեն ու զինավարժություններ անցկացնեն։ Անհրաժեշտ է համարվում զենք և զինամթերք ձեռք բերել, զինապահեստներ պատրաստել, ժողովրդին ինքնապաշտպանության համար զինել և այլն¹⁶³,

Պետք է նաև նախապես մանրամասն ուսումնասիրել հնարավոր պատերազմական զործողությունների վայրը, լուրջ աշխատանք տանել բնակչության շքրջանում և բոլորին զաղտնապահություն սովորեցնել, վաղորոք պաշտպանական միջոցներ ձեռնարկել։ Ռազմական զործողությունների ծրագիրը կազմելիս անհրաժեշտ է հաշվի առնել բոլոր հնարավորությունները, հատուկ մարզկանց միջոցով տեղեկություն ստանալ թշնամու ուժերի և նրա զստավորության մասին։ Պետք է ամենայն զգուշությամբ հայտնաբերել լրտեսներին ու զավաճաններին։ Բացի հիմնական խմբերից, պետք է ունենալ նաև մանր խմբեր, որոնք լավ են զործում լեռնային ու անտառային վայրերում, արագաշարժ են։ Այսպիսի խմբերը ժամանակ առ ժամանակ պետք է փոխեն իրենց տեղը, որպեսզի բնակիչները չիմանան նրանց գտնվելու վայրը։ Սակայն նրանք պետք է հատուկ ծածկագրով կամ նշանաբանի միջոցով կապ պահպանեն կենտրոնի ու հարևան խմբերի հետ։

Հետաքրքիր է «Ապստամբություն» բաժինը, որտեղ նախատեսվում է ընդհանուր և ամեն մի առանձին ելույթի համար հատուկ ծրագիր մշակել՝ հաշվի առնելով աշխարհագրական միջավայրը, թշնամու ուժերի, Այդ ծրագիրը պետք է ներկայացվի «Ձինվորական խորհրդի» քննությանը և մեա խիստ զաղտնի։ Գաղտնապահությունը համարվում էր հաղթանակն ապահովելու կարևոր պայմանը։

«Հրահանգներում» իր արտահայտությունն է գտել հանկարծակի և սրընթաց հարվածի տակտիկան։ Փոքր խմբերով թշնամու բազմաթանկ զորաբանակին պարտության մատնելը հաղթանակի հասնելու կարևոր պայմաններից մեկն է։ Ընդգծվում է, որ պետք է նախահարձակ լինել։ Անդրանիկը զգուշացնում է, որ կառավարական զորքերը արքանի մեջ ընկնելով, կդիմեն խորամանկության՝ ստաշարկելով բանակցություններ, ժանկե նոտքը ալ մի սպասեր կառավարական էներգիաներուն, անիկա կուզե քեզի հետ խաբարայությամբ և շողորթությամբ բանակցիլ՝ շնորհունիս։ Ուր որ թշնամիին ուժը քիչ է և համոզվիս, թե քիչ զու՝ տալով կարող ես հաղթել՝ մի սպասեր, հարձակե, բայց միշտ իրիկվան դեմ»¹⁶⁴,

Անդրանիկը նշում է, որ հայրենիքի ազատության համար մարտնչող «հաղուկային կեանքը... ամենաբարձր կեանքն է աշխարհիս մեջ...»¹⁶⁵, և միաժամանակ զգուշացնում, որ զինվորը, նվիրվելով իր ժողովրդի սրբազան գործին, պարտավոր է լինել խիստ զաղտնապահ ու կարգապահ, վարք ու բարքով մարդու և անարատ, ունենա համեստ պահանջներ։ «Ուտեիքին պետք է հավասար նայիր։ Խնձոր մըն ալ ունենաք, բաժնեկու եք... Տասնապետները՝ կերակուրի ժամանակ առանձին պետք չէ որ նստին... ողջից ըմպելիները արգիլված է խումբերուն...»¹⁶⁶, Կանոնների 13-րդ կետում մատնանշված է. «Ժողովրդին հետ սիրով և քաղցրությամբ վարվելու անհրաժեշտությունը»։ Կարեւոր տեղ է հատկացված զինված խմբերի և ժողովրդի կապին, թշնամու դեմ

163 Տե՛ս նույն տեղում, էջ 27:

164 Նույն տեղում, էջ 39:

165 Նույն տեղում, էջ 40:

166 Նույն տեղում, էջ 42:

ներանց համատեղ հանդես գալուն: Առանց ժողովրդի «քաջալերության և գործնական մասնակցության» ոչինչ չենք կրնար բնել»¹⁶⁷:

«Հրահանգներում» նշվում է նաև, որ եթե մեկը կառավարությունից փախըստական է, պետք է նրան ընդունել: Եթե կարող է զինվոր լինել՝ վեց ամիս փորձելուց հետո ընդունել, իսկ եթե ոչ՝ օգնել արտասահման անցնելու: Նույն կարգով խումբը կարող է որոշ ժամանակ ստուգելուց հետո փախստական թուրք զինվորներին ևս ընդունել: Սակայն բոլոր զեպքերում էլ պահանջվում է խիստ զգուշություն և լավ ստուգում, որպեսզի կանխվի դավաճանությունը:

Այս և բազմաթիվ այլ փաստեր հաստատում են Անդրանիկի դիրքորոշումը մյուս ժողովուրդների, ինչպես նաև թուրք ժողովրդի նկատմամբ: Նա պաշտպանում էր թուրքական դաժան քաղաքականության դեմ պայքարող բոլոր ճնշվածներին ազատագրելու սկզբունքը:

Ուշագրավ է նաև «Գյուլական դատեր» բաժինը: Այստեղ նշվում է, որ եթե գյուղերում դատական գործ է ծագում, ապա գյուղացիները պետք է խուսափեն կաշռակեր պետական պաշտոնյաների որոգայթն ընկնելուց և իրենցից ընտրված մարդկանց միջոցով վերջացնեն իրենց դատը¹⁶⁸, Իսկ եթե գյուղի ընտրյալները չկարողանան հարցը լուծել, ապա զինվորական խումբը պետք է գործը իր ձեռքը վերցնի և արդարադատ վճիռ կայացնի:

«Քրդերը և քրդական միություն» բաժնում Անդրանիկը այն միտքն է դարձացնում, որ հայերի, քրդերի և բոլոր ժողովուրդների միասնական ճակատն ու բարեկամական միությունը հրատապ անհրաժեշտություն է սուլթանի հալածանքներին վերջ տալու համար: Ընդգծելով, որ քրդական ցեղերը մեծ ուժ են թուրքական բռնապետության ձեռքին և կարող են մինչև 150.000 զինվոր հավաքագրել, նա նշում է, որ այդ բոլոր ցեղերը ի վերջո կմիանան հայերի հետ:

«Հրահանգները» ավարտվում են «Երիտասարդություն» բաժնով, որտեղ Անդրանիկը, հանրագումարի քերելով իր երկարամյա պայքարի փորձը, կյանքի դաժան դպրոցում ստացած գիտելիքները, համեստաբար գրում է. «Ես ոչ զինվորական վարժարանի ընթացքը ավարտած եմ, ոչ ալ մասնագիտական հյուղ մը մշակած, հետևաբար հավակնություն չունիմ երբեք մասնագիտական գործ մը ներկայացնելու»¹⁶⁹: Նա նշում է, որ կյանքն է եղել իր դաստիարակը: Հայրենի երկիրը բարբարոսների լծից ազատելու համար հրահանգում է հայ երիտասարդությանը կազմակերպվել և ռազմական գիտելիքներ ձեռք բերել:

«Մարտական հրահանգները» ավարտվում են հայ երիտասարդությանն ուղղված հայրենասիրական կոչով. «Ես չեմ, որ կհրավիրեմ ձեզ, արտասահմանյան հայ երիտասարդներ, այլ ղեկավար հայրենիքին հողն ու քարը իրենց արյունով ներկած մեր նահատակներն ու պաշտելի հերոսներն են, որ կույ կրեն ձեզի՝ զենքի, զինավարժության ու վրեժխնդրության»:

Էնցեքը անոնց ձայնը, որ մեր կյանքի ձայնն է»¹⁷⁰:

«Մարտական հրահանգներում» Անդրանիկը կարողացել է մատչելի և հմտությամբ ներկայացնել հայդուկային կոդիկների իր փորձն ու տեսությունը: Այդ գիրքը հայ ժողովրդի ռազմական պատմության հետաքրքիր և ուշագրավ էջերից է:

167 Նույն տեղում, էջ 43:

168 Նույն տեղում, էջ 71:

169 Նույն տեղում, էջ 76:

170 Նույն տեղում, էջ 78: